

MUSA ĆAZIM ĆATIĆ
(1878-1915)

F A T I M A E Z Z E H R A*

Najbolja kćerka između' sviju kćera,
Mirisni cv'jet s Pejgamberove grane -
Bijaše čista bez ikakve mane
Ko njena srca postojana vjera.

Između žena najvjernija žena,
Ponosna, čedna, ko paoma mila -
Božanskom lavu je žarka ljubav njena
U boju zvijezda predvodnica bila.

I među majkam' nikad majke take
Nježne i dobre!... Kerbelske sokake
Svaku noć – vele – sad obilazi ona;

I kad kod groba Svete žrtve stane,
Nijemo plaćuć, po humku mu pane,
A s njome plače c'jela vasiona.

(*BLISTAVA)